

մՏր.

Յառաջագոյն քան զիս գրեցին ձեզ այլք վասն մահուան յակոբայ վարդապետի պատրիարքի քաղաքիս, և թէ զիարդ փառաւորապէս թաղեցին զնա ի գերեզմանս պէյօղլիի առ գերեզմանի ջուղայեցի յակոբ կաթողիկոսին. և անդ ի մէջ բազմութեան ամենայն ազգաց ասաց զՆերքողեան սառաֆօղլու սարգիս վարդապետն իբրև զգամ մի ի զարմացումն ամենեցուն.... եւ սախն խալիփախից դադարեաց ամենեկին: (Հ. Իգնատիոս առ Մեղգոնեան, 1764 օգոստ.ի 19. ի Կ. Պոլիս):

մՏր.

Մահտարաժամն առաջիկայ տարւոյս չար է և մինչև ցայժմ սաստկացեալ է յոյժ. մեռեալքն անթիւ են և անհամար, ի միոյն տանէ որ ծանօթ էր, և ես զնացի անդ անգամ մի, ելին մետա սան ոգիք... բազումք մեռան, և բազումք աստ անդ ի գիւղօրէս փախեան, և բազումք ի դրսեցւոց դարձան գնացին յերկիր իւրեանց: Թաթարխանն յաւուրս յայտոսիկ եկն ի Կոստանդնուպօլիս, և բազումք ի մարդկանց նորա կոտորեցան, մինչև անկաւ ահ և ի սիրտ խանին և հանդերձի դառնալ յետս վաղվաղակի: Բայց հիւանդութիւն տարւոյս ունի գերկու մասնաւոր յատկութիւնս, առաջին՝ զի բազումք յախտացելոցն ողջանան, և երկրորդ զի բազումք ի չափ հասելոց և ի ծերոց մեռանին քան թէ ի նորահասից և ի մանկանց: (Հ. Անանիա վրդ. առ Մեղգոնեան, 1765 Յուլիսի 17. [Կ. Պոլիս]):

մՂ.

Ասեն թէ և զվէզիրն փոխելոց է վասն բազմաց անհաճոյ գոլոյն, և բազում գաղտնի խոռ վութիւնք և ամբոխմունք են ի քաղաքիս, մինչև թուղթս սպառնալեաց գրել և արկանել ի փողոցս և ի մզկիթս թէ այրեմք զբովանդակ քաղաքս. և թագաւորն¹ ևս ծպտեալ հանապազ շրջի այսր անդր զբազում դրամս ծախելով ի պարգև ամենայն խօլից, զի յինքն յանկուսցէ զսիրտս նոցա, և զի զգուշութեամբ պահանքսցեն զքաղաքն ի հրաձգողաց և յապստամբաց: Ժանտամահն որպէս լսեմք օրբստօրէ պակասի: (Հ. Մեսրօպ վրդ. առ Մեղգոնեան, 1765 օգոստ. 17. [Կ. Պոլիս]):

մկր.

Յաւուրս յայտոսիկ երեք և երեք գիշեր տօնանմայ եղև վասն նորածին դստեր թագաւորին, և յամենայն գիշերս տօնանմային անպակաս էր եանդրնն աստ և անդ, այլ ոչ տեեաց. սակայն յերկրորդում գիշերի տօնանմային եղև եանդրնն ի խալաթիայ ի խուլէխափուն, և յայնմ գիշերի տազնապ մեծ եղև յամենայն բնակչաց խալաթիայ զի հուրն միանգամայն զօրացաւ յանկարծակի, և ծառացեալ բոցոյն փայլեցոյց առ հասարակ զամենայն երեսս բնակութեանց տեղոյն. և մէխանայքն բազումք և մեծամեծք, և բնակարանքն խիտ և բազմալարկ, և մեխանաճիքն ոչ գտան ի պատրաստի, զի փակեալ զդուրս մէխանայիցն էին ի խնջոյս տօնանմային: (Հ. Անանիա առ Մեղգոնեան, 1766 Յունւլ.ի 20. [Կ. Պոլիս]):

1. Մուստաֆա Գ.: